

湖南苗防屯政考

湖南苗防屯政考

湖南苗防屯政考卷十一

二品銜前署湖南辰永沅靖道但湘良纂

碉堡

奏修築城堡搭蓋兵房摺

嘉慶二年

湖廣總督畢沅

沅

奏爲會籌湖南苗疆修城築堡駐兵事宜恭摺奏請

聖鑒事竊查和琳條奏善後事宜因鎮筸永綏乾州三廳城垣實無可
以移建之處惟有將撤出苗地內塘汛之兵卽於廳城四面緊要
隘口添建碉卡駐紮多兵以爲屏障此外如巖門高村石羊哨花
園隆團河溪洗溪小鳳凰營等處凡有安設官兵地方均應一律
查明添築城堡以資守禦等因奏蒙



聖恩允准在案

臣

等察看苗疆地方萬山矗立平衍之處甚少惟乾州

地面較爲平坦然數里之外層疊皆山自大兵攻克平隴之後

臣

姜晟業經委員勘估鳩工興舉其鎮筰一城西北兩面依附山趾

懸崖壁立實有不能展寬之勢其東南兩面濱臨溪河每遇夏漲

驟發之時往往高至丈餘是以臆裂坍塌之處尤多現擬就該處

地形添築關廂一道以資護衛並可收集民人居住其永綏廳保

靖縣兩處城垣亦復四面皆山地勢低凹現就該二處舊建城身

量加修葺培高外其城外附近緊要山梁如鎮筰城外之觀景山

冷風坳大坡腦播草坡沱田二坳青坪灣等處永綏城外之西山

梁北山梁黃土坡等處乾州城外之田家園桂巖坡上莊園標營

坡等處保靖城外之二月坡叢樹坡龍圖山煙霞山等處現俱查
照和琳奏案擬請設卡駐兵用資捍禦臣等伏思築堡所以安兵
而現在籌議添設新舊大小各營汛統計約有百數十處斷無處
處築堡致滋繁費之理茲經奴才鄂輝親身周歷各處查明現在

畱防官兵安營處所俱係審擇地勢濠溝壁壘業已設有規模此
後畱兵裁撤之時止須將舊有基址酌量修補增高自可毋庸另
行添建以節糜費此外駐兵地方除零星營汛駐兵本不甚多修
築營卡尙屬易於爲力應令該弁兵自行砌築外其餘如小鳳凰
營巖門石羊哨高村得勝營廖家橋樂濠鎮溪所強虎哨灣溪河
溪喜鵲營花園隆團涼水井沙子坳鴨保寨滾牛坡董馬古丈坪

烏宿洗溪浦市四都坪等處俱係擬駐重兵之地其舊有營分亦俱焚燬無存臣等現已相度地勢查明應築城堡處所委員估辦興工惟兵房一項應請一律修造內除鎮筸永綏保靖等處向有城垣容駐官兵無庸另建兵房外其餘安營設汛處所多在空曠地方本無房屋卽舊有之營汛亦已盡成瓦礫將來募足額兵之後尙需酌議安置兵眷等事是以臣等現擬每兵一名給房一間各就本營汛地鱗次搭蓋庶該兵等棲止有資而比屋而居守禦亦爲嚴密至乾州城內自前年經匪苗殘破之後焚燬一空現在興工修築應請一體蓋造兵房以資駐守又辰州城內現擬撥駐提標左後二營兵一千三百餘名均須帶眷遷徙未便令其賃屋

居住應請按照所撥兵數於辰州城內外相度隙地添蓋兵房以供棲止至鎮將等官及三廳衙署其新添者固須建造其舊設者亦多有傾圯應請與大路各塘汛及煙墩哨樓等項一律查明分別修造以壯觀瞻而嚴捍衛以上各項俱經臣等一面估勘一面興工並隨時諄飭承辦各員務使工程一律完固庶帑不虛糜工歸實用以仰副

聖主綏靖邊隅一勞永逸之至意除請動

帑項及工程細數另行造冊咨部查核外所有會籌修城築堡駐兵緣由謹恭摺具

奏

稟建碣卡

嘉慶五年

鳳凰傳 同知 節

敬稟者竊

卑

廳境內西北一面係鎮筸中右前三營苗寨東南一

面係上下五崗十一約民村東北接壤乾州西南毗連黔省東界

瀘邑南界麻陽實苗疆之咽喉內地之屏障三營苗情惟中營稍

爲馴順其前右二營各寨花黑等苗最爲狡悍當大兵雲集之時

貪利畏勦詭譎投降撤師之後旋即反覆無常仍肆荼毒所有

卑

廳各約民地並乾州南鄉及瀘溪都蠻利略等村皆爲匪苗佔據

卑職

於嘉慶元年十二月到任稟商富鎮臺成升道會同中營

遊擊王文選委員候補理問姚興潔湘鄉縣縣丞胡如沅設法先
將上五崗七約民地內盤踞之中營上前營苗人陸續清理歸寨

招回難民築立堡散給鎗械俱令復業而下五崗四約及乾瀘等處盤踞之下前營並右營匪苗强悍異常遽難善遣是以暫將都吾務頭二約田畝許其佃種與民人各半分租乃匪苗心懷叵測轉思得地蔓延始爭古衝得勝營至箐子坪一帶後面之古路爲界欲將都吾約民地全行佔據繼爭下游烏草河爲界欲將自前營之四路口汎起由鎮筵城北關及官莊溪口苟爬巖直至乾州之河溪凡大河西北之地方皆歸伊管逞其兇橫將所劄民率肆行攻破不時赴麻瀘辰浦各處任意焚掠又屢次攻圍沿邊營汎甚至破汎戕官鎮乾大路爲之梗塞仍時至鎮城關廂燒搶並赴石羊哨等處擾截糧運計數年來民人兵勇慘遭戕害者爲數

甚多若再事因循聽其出沒不惟

卑

廳地土全爲苗有沿邊營汛

斷難存立而後路亦永無安枕之日矣然大功久竣勢不便再議興戎惟有固我藩籬嚴其防範先經

富鎮臺酌定式樣親督工

匠將鎮城四面山梁修築石礮四十四座塊石關門六座卡四座哨臺三座並派撥兵丁幫同夫役圈築圍牆二十餘里成升道飭

令

卑職

於城北對河修砌塊石堡牆二百四十丈又關廂石牆四

道關門七座哨臺三座匪徒始不敢再至城邊

卑職

會同左營遊

擊鄭朝桂於蘆荻坳由十里牌石羊哨至巖門一路要隘處所酌建礮卡十六座糧道始保無虞又會同中營遊擊王文選並右營遊擊施聯科前營都司葛士鳳左營守備藍枝鳳及各汛備弁等

自卑廳城東之小田起由官莊溪口木江坪至瀘屬苟爬巖冒州一路裏圍地方安設礮二十一座卡十一座哨臺六座使匪徒不得任意侵擾後路各縣旋於沿邊一路一面設法撫馭苗人一面分布兵勇彈壓放哨保護匠夫始得逐步安設礮卡計東北自乾州交界之木林坪起至貴州交界之落潮井止沿邊共長二百餘里其中苗徑如梳節節皆關險要若不逐處密爲守禦仍令有隙可乘終屬徒費經營於事無益陸續相機辦理自木林坪由舊司坪曬金塘得勝營清溪哨黃土坳四路口鴉保洞廖家橋樂濠至落潮井一路共安礮四百二十四座卡七十五座關門六座又自黃土坳四方井至鎮城由鎮城接至廖家橋一路安礮二十座卡

五座派駐兵勇嚴密防維氣勢聯絡聲威盛壯而苗匪遂各遷回不敢仍前橫踞內地卽以廓清遂將

卑

廳及麻瀘地方均爲復修

聖堡發給鎗械牛具籽種口糧令民戶歸聖畊守奈下前營及右營苗匪萬分兇獷猶敢糾黨於夜黑霧重之時越卡穿碉潛行出沒是以又將木林坪起至四路口止一百餘里聯以牆濠乃仍有匪徒乘夜越牆或於懸崖陡坎不能築牆之處攀援而上又復逐加削鑿並於各碉卡適中之處陸續添砌塊石哨臺八十八座以資瞭守刻下各工已將次告竣匪徒不能如前此之肆行出沒卽有一二零苗偷漏隨時堵截亦易於追擒惟查落潮井以西貴州境內並無碉卡間有匪徒由鴉义塘等處遠出滋事今又稟商本

道定於自浪中江由王會營至亭子關等處修辦石礮二十二座
石卡七座仍須於鴉保洞直至亭子關一路相度地勢添修哨臺
五十座總共建立塊石礮卡哨臺關門八百一十七座如此則卑
廳全境並無絲毫罅隙矣刻下凡屬苗匪所佔地利皆爲我有雖
彼傾巢而來只須堅壁禦之斷然不能得利是以鵬勦曬金塘等
寨之後至今帖然此後苗人有所儆懼卽當鎮靖撫綏使知德之
可懷又念威之可畏從此斂戢漸化頑梗自可相安永久

卑職仰

蒙 憲德高深畀以苗疆重任審時度勢非如此辦理實難安定
是以四載以來挪借款項並百計張羅竭力營辦惟冀苗戢民安
藉以稍酬知遇耳除開具礮卡哨臺關門數目丈尺清摺繪圖貼

說恭呈 鈞案外所有辦理緣由理合具稟伏乞 慈鑒

海國圖志卷一
一、海國圖志卷一
二、海國圖志卷一
三、海國圖志卷一
四、海國圖志卷一
五、海國圖志卷一
六、海國圖志卷一
七、海國圖志卷一
八、海國圖志卷一
九、海國圖志卷一
十、海國圖志卷一

奏撥黔邊螺螄等三碕歸湖南螺螄瑾汎駐守摺

嘉慶十一年

貴州富志那提督

奏爲黔邊碕樓移撥楚省就近派兵駐防情形據實陳明仰祈

聖鑒事竊

奴才

前於嘉慶九年十月內欽奉

諭旨馳赴松桃一帶督辦碕堡沿邊工程業將親歷查勘緊要處所應

增碕堡二十餘座及改撥汎防緣由恭摺具奏仰蒙

天恩批准因地制宜自應如此辦理等因欽遵在案維時

奴才

查有松

桃協屬之牛心堡原管之螺螄瑾碕下過肘碕巖會坡碕此三碕貼近湖南螺螄瑾汎以前緊接楚省苗寨相距牛心堡二十里離螺螄瑾汎一箭之遙該處爲湖南苗人趕集貿易出入之所稽察